



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0021837 22

Sarajevo, 15.06.2022. godine

SUD BOSNE I HERCEGOVINE
- Sudiji za prethodno saslušanje -

Na osnovu člana 35 stav 1 i 2 tačka i), te člana 226 i 227 Zakona o krivičnom postupku Bosne i Hercegovine podižem,

OPTUŽNICU

Protiv:

Stanka Josipovića, rođenog 1997. godine u
Bijeljini,
državljanina Bosne i Hercegovine,

Što je:

Dana 04.02.2022. godine, u večernjim satima, Stanko Josipović, radi stavljanja u međunarodni promet, iz Bosne i Hercegovine u R Srbiju neovlašteno vršio međunarodni prevoz i prenos opojne droge MDMA – Ecstasy u količini od 496,017 grama u obliku tableta, koja je Konvencijom o psihopatskim supstancama iz 1971. godine i Popisom opojnih droga psihotropinih tvari, biljaka iz kojih se može dobiti opojna droga i prekursora („Službeni glasnik BiH“, broj: 08/06) proglašena opojnom drogom i čiji promet se može obavljati samo na temelju dozvole nadležnog organa izdate na osnovu Zakona o

sprečavanju i suzbijanju zloupotrebe opojnih droga BiH („Službeni glasnik BiH“, broj 08/06, 103/08 i 51/11), tako što je opojnu drogu neovlašteno prevezio i prenosio preko međunarodnog graničnog prelaza „Rača“ skrivenu u pmv marke „Škoda“, tip „Fabia“, nacionalnih registarskih oznaka Bosne i Hercegovine [REDACTED], koju opojnu drogu su policijski službenici Granične policije Bosne i Hercegovine tokom kontrole navedenog vozila i vozača, na izlazu iz Bosne i Hercegovine prema R Srbiji, pronašli skrivenu u prostoru iznad preklapajuće ladice na desnoj strani instrument table navedenog vozila.

Dakle,

- pokušao izvršiti međunarodnu prodaju i radi prodaje prijenos i prevoz supstance ili preparata koji su propisom proglašeni opojnom drogom,

Čime je,

- Počinio krivično djelo Neovlašten promet opojnim drogama iz člana 195. stav 1. Krivičnog zakona Bosne i Hercegovine, sve u vezi člana 26. (Pokušaj) Krivičnog zakona Bosne i Hercegovine.

T u ž i l a c
Tužilaštva - Tužiteljstva BiH